



roj: 03-04-05-27153/18  
Sarajevo, 24.08.2018. godine

**SKUPŠTINA KANTONA SARAJEVO**  
**Predsjedateljici Skupštine, prof. Ani Babić**

**Predmet: Odgovor na zastupničko pitanje**

Na 43. radnoj sjednici Skupštine Kantona Sarajevo, održanoj 25.06.2018. godine, zastupnik u Skupštini Kantona, Mirsad Pindžo postavio je slijedeće zastupničko pitanje:

" Tražim da Ministarstvo pravde i uprave, putem upravne inspekcije obavi usmjereni upravni nadzor u svih deset jedinica lokalne samouprave (općine i grad Sarajevo) o usklađenosti njihovih akata sa Zakonom o državnoj službi u KS, Zakonom o plaćama u organima vlasti u KS i drugim kantonalnim propisima, a prije svega na angažiranju savjetnika kao imenovanih osoba.

Tražim da Budžetska inspekcija Ministarstva finansija Kantona Sarajevo izvrši kontrolu i dostavi mi podatke o isplatama plaća i naknada u svih deset jedinica lokalne samouprave (općine i grad Sarajevo) za imenovane savjetnika (pojedinačno i zbirno ) za period od 2015. godine do danas."

**ODGOVOR**

Ministarstvo pravde i uprave - Upravni inspektorat u dijelu zastupničkog pitanja koje se odnosi na nadležnost upravne inspekcije, dostavlja slijedeći odgovor:

Kantonalna upravna inspekcija je nadležna za primjenu propisa o državnoj upravi koji se odnose na organizaciju i način rada organa uprave i upravnih organizacija (pravilnik o unutrašnjoj organizaciji) u jedinicama lokalne samouprave i u skladu sa nadležnošću i Programom rada Ministarstva pravde i uprave Kantona Sarajevo za 2018. godinu izvršen je inspeksijski nadzor u pogledu primjene propisa koji se odnose na organizaciju i način rada organa uprave i upravnih organizacija, u jedinicama lokalne samouprave Kantona Sarajevo.

Inspeksijskim nadzorom obuhvaćene su slijedeće jedinice lokalne samouprave :



Općine Stari Grad, Centar, Novo Sarajevo, Novi Grad, Vogošća, Ilidža, Hadžići, Trnovo, Ilijaš i Grad Sarajevo.

Prilikom inspekcijskog nadzora je izvršen uvid u nove Pravilnike o unutrašnjoj organizaciji koje su jedinice lokalne samouprave donijele nakon stupanja na snagu Zakona o državnoj službi u Kantonu Sarajevo 2016. godine i pratećih podzakonskih propisa.

Inspekcijskim nadzorom je utvrđeno da su Pravilnici usklađeni sa Zakonom o državnoj službi u Kantonu Sarajevo i podzakonskim propisima u pogledu pozicija savjetnika načelnika i da ta pozicija nije predviđena u novim Pravilnicima, izuzev Pravilnika Općine Stari Grad Sarajevo i Grada Sarajeva, koji su neusklađeni u pogledu sistematizacije radnih mjesta "savjetnika rukovodioca organa uprave".

Iako Općine Centar, Novo Sarajevo, Novi Grad, Vogošća, Ilidža, Hadžići, Trnovo i Ilijaš u svojim novim Pravilnicima o unutrašnjoj organizaciji nisu predvidjele, niti su sistematizovale pozicije savjetnika, a samim tim nisu utvrdile ni radno pravni status savjetnika nosilaca funkcija, obavljenim inspekcijskim nadzorom je utvrđeno slijedeće:

Općina Centar je u momentu vršenja inspekcijskog nadzora angažovala 4 savjetnika, a nakon inspekcijskog nadzora upravni inspektor je pisani putem obavješten od odgovornog službenika da u ovoj Općini anagažovana 3 savjetnika, Općina Ilidža ima 3 savjetnika, a Općine Novo Sarajevo, Stari Grad i Grad Sarajevo su angažovale po 1 savjetnika.

Potrebno je napomenuti da su prije stupanja na snagu Zakona o državnoj službi Kantona Sarajevo, općinski i gradski organi uprave primjenjivali Zakon o državnoj službi Federacije BiH. Ovim federalnim Zakonom je propisan i utvrđen radno pravni status savjetnika nosilaca funkcija koji nisu državni službenici. U skladu sa ovim Zakonom općinski načelnici u općinama Centar, Novo Sarajevo, Ilidža su u tada važećim Pravilnicima o unutrašnjoj organizaciji predvidjeli poziciju savjetnika i angažovali savjetnike u skladu sa navedenim Zakonom. Stupanjem na snagu kantonalnog Zakona, ove općine su uskladile Pravilnike o unutrašnjoj organizaciji sa važećim Zakonom, ali su zadržale već angažovane savjetnike načelnika i angažovale dodatne savjetnike.

Shodno utvrđenom činjeničnom stanju i ovlaštenjima upravne inspekcije naložene su odgovarajuće upravne mjere na uspostavljanju zakonitog stanja, te postupci po istima još uvijek traju, odnosno nisu još okončani. Preciznije rečeno izjavljene su žalbe na rješenja o naloženim upravnim mjerama upravnih inspektora, te je žalbeni postupak u toku.

S poštovanjem,

Dostaviti:

-Predsjedateljica Skupštine Kantona Sarajevo  
-Službi za Skupštinske poslove Skupštine Kantona Sarajevo

**MINISTAR**

**Mario Nenadić**



web: <http://mpu.ks.gov.ba>  
e-mail: [mpu@mpu.ks.gov.ba](mailto:mpu@mpu.ks.gov.ba)  
Tel: + 387 (0) 33 562-083,  
Fax: + 387 (0) 33 562-241  
Sarajevo, Reisa Džemaludina Čauševića 1

